

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ Ն 1
26 մարտի 2014 թվականի

**2013-2014 ուսումնական տարվա առաջին կիսամյակի
քննաշրջանի արդյունքների և մեր խնդիրների մասին**

Լսելով և քննարկելով «**2013-2014 ուսումնական տարվա առաջին կիսամյակի քննաշրջանի արդյունքները և մեր խնդիրները**» հարցը (զեկուցող՝ ուսումնակազմակերպական աշխատանքների գծով պրոռեկտոր, տնտեսագիտության թեկնածու, պրոֆեսոր Մ.Ն.Հարությունյան)՝ գիտական խորհուրդն արձանագրում է. կիսամյակի ընթացքում ռեկտորատը, ուսումնամեթոդական, ուսումնակազմակերպական բաժինները, դեկանատները և ամբիոնները հետևողական աշխատանք են կատարել ուսումնական գործընթացի մեթոդական աշխատանքների արդիականացման, ուսումնական գործընթացի կազմակերպման, կատարելագործման և քննաշրջանները կազմակերպված անցկացնելու ուղղությամբ: Համալսարանում քննական գործընթացը կազմակերպվել է գիտական խորհրդի կողմից հաստատված նոր քննակարգին համապատասխան: Կիսամյակի ընթացքում կազմակերպվել և անցկացվել են համակարգչային և գրավոր թեստային ստուգարքներ և քննություններ համահամալսարանական հիմնական առարկաների գծով: Ամբիոնների կողմից թարմացվել են հարցաշարերը, շտկվել են բովանդակային և տեխնիկական թերությունները: Թեստային քննությունների վերահսկման գործընթացը կազմակերպվել է ամբիոնների վարիչների, դասավանդող դասախոսների և ասիստենտների մասնակցությամբ:

Ռեկտորատը, դեկանատները և ամբիոնները մեծ ուշադրություն են դարձրել ոչ միայն քննական գործընթացի կազմակերպման և անցկացման, այլ նաև կիսամյակի ընթացքում ուսումնական գործընթացի կազմակերպման կատարելագործման հարցերին: Կիսամյակի ընթացքում բավական աշխատանքներ են կատարվել ուսումնական պլանների, առարկայական ծրագրերի արդիականացման, դասախոսների անհատական բեռնվածությունների և դրանք գործող պահանջներին համապատասխանեցման ուղղությամբ:

Առկա ուսուցման բակալավրիատի ուսանողների ուսման առաջադիմությունը քննաշրջանից հետո կազմել է 73,7%՝ նախորդ ուսումնական տարվա նույն ժամանակաշրջանի 69,8%-ի դիմաց: «Գերազանց» գնահատականներով սովորողների տեսակարար կշիռը կազմել է 16,0%, «գերազանց» և «լավ» գնահատականներով սովորողներինը՝ 20,2%՝ նախորդ տարվա նույն ժամանակաշրջանի 11,5%-ի և 16,3%-ի դիմաց: Տնտեսության կարգավորման և միջազգային տնտեսական հարաբերությունների ֆակուլտետում գրանցվել է ամենաբարձր (83,6%), իսկ ինֆորմատիկայի և վիճակագրության ֆակուլտետում՝ ամենացածր (63,3%)

առաջադիմությունը: Հատկապես բարձր է պետական պատվերի համակարգում սովորող ուսանողների առաջադիմությունը: Այդ խմբի ուսանողներից «գերազանց», «գերազանց» և «լավ» գնահատականներով սովորում է ուսանողների 69,9%-ը, նախորդ ուսումնական տարվա նույն ժամանակաշրջանում այն կազմել է 67,0%:

Առկա ուսուցման մագիստրատուրայի ուսանողների առաջադիմությունը հիմնական քննաշրջանից հետո կազմել է 78,1%, նախորդ ուսումնական տարվա նույն ժամանակաշրջանում այն կազմել է 83,9%: Ուսանողների 31,3%-ը կիսամյակն ամփոփել է միայն «գերազանց», իսկ 13,9%-ը՝ «գերազանց» և «լավ» գնահատականներով, նախորդ ուսումնական տարվա նույն ժամանակաշրջանում, համապատասխանաբար՝ 29,1 և 15,9%: Նախորդ կիսամյակի արդյունքների համեմատությունից ակնհայտ է, որ բարձր գնահատականներով սովորողների տեսակարար կշիռը բարձրացել է, իսկ ընդհանուր առաջադիմության ցուցանիշը նվազել է:

Հեռակա ուսուցման մագիստրատուրայի 1-ին և 2-րդ կուրսերում առաջադիմությունը կազմել է համապատասխանաբար՝ 65,8 և 63,5%, նախորդ ուսումնական տարվա նույն ժամանակաշրջանում այն կազմել է համապատասխանաբար՝ 60,5 և 68,6%: «Գերազանց» գնահատականներով սովորողների տեսակարար կշիռը կազմել է համապատասխանաբար՝ 4,8 և 5,7%, «գերազանց» և «լավ» գնահատականներով սովորողներին՝ 16,1 և 8,3%:

Հեռակա ուսուցման բակալավրիատի 1-4-րդ կուրսերում (կրեդիտային համակարգ) քննություններն ու ստուգարքներն անցկացվում են գիտելիքների գնահատման բազմագործոնային համակարգով և արձանագրվել են հետևյալ ցուցանիշները. ամփոփիչ քննաշրջանից հետո առաջադիմությունը կազմել է 40,2%, «գերազանց» գնահատականներով սովորում է 26 ուսանող (1,7%), «գերազանց» և «լավ» գնահատականներով՝ 51 ուսանող (3,3%):

Ինչ վերաբերում է առաջին վերահանձնումից հետո ուսման առաջադիմության արդյունքներին, ապա նշենք, որ բացարձակ առաջադիմությունը առկա ուսուցման բակալավրիատի 1-4-րդ կուրսերում 73,7-ից բարձրացել է 86,1%-ի, իսկ անբավարարների և չներկայացածների տեսակարար կշիռը զգալիորեն նվազել է (26,3-ից՝ 13,9%):

Առկա ուսուցման մագիստրատուրայում վերահանձնումից հետո առաջադիմությունը կազմել է 94,0, իսկ անբավարարների և չներկայացածների տեսակարար կշիռը՝ 6,0%:

Հեռակա ուսուցման մագիստրատուրայի 1-ին և 2-րդ կուրսերում առաջադիմությունը առաջին վերահանձնումից հետո կազմել է համապատասխանաբար՝ 84,5 և 82,2%, իսկ անբավարարների և չներկայացածների տեսակարար կշիռը նվազել է (34,2-ից՝ 15,5% և 36,5-ից՝ 17,8%):

Հարկ է նշել, որ 2013-2014 ուսումնական տարում հեռակա ուսուցման մագիստրատուրայում 469 մագիստրանտներից, ում թույլատրվել է մասնակցել մագիստրոսական թեզի պաշտպանությանը, ավարտել են ընդամենը 430-ը (91,7%): Նախորդ տարիների թեզը չպաշտպանած 17 շրջանավարտ պաշտպանել և ստացել են դրական գնահատական:

Ելնելով վերոնշյալից՝ գիտական խորհուրդը

ՈՐՈՇՈՒՄ Է.

1. Հանձնարարել ռեկտորատին՝

- 1) մշակել միջոցառումներ քննությունների անցկացման բարելավման և քննակարգում նկատված բացթողումների վերացման ուղղությամբ,
- 2) վերահսկողություն սահմանել ամբիոններում կադրերի ընտրության վրա: Ամեն ինչ անել, որպեսզի լսարան մտնեն բարեխիղճ, մասնագիտական բարձր մակարդակ ունեցող, գիտությամբ զբաղվող, բարոյական դրական բնութագրում ունեցող դասախոսներ,
- 3) կազմակերպել դեկանատների և ամբիոնների աշխատանքային, կատարողական, ուսումնական վիճակի ուսումնասիրություն և վերլուծություն: Արդյունքները ներկայացնել գիտական խորհրդի քննարկմանը տվյալ ֆակուլտետի դեկանի հաշվետվության օրը:

2. Հանձնարարել ֆակուլտետների դեկաններին՝

- 1) հետևողական աշխատանք կատարել կիսամյակի ընթացքում նկատված թերությունները և բացթողումները շտկելու ուղղությամբ,
- 2) ամփոփաթերթերում ուսանողների ակտիվության սխալ հաշվարկման ու գրանցման, ինչպես նաև արդյունքների սխալ լրացման յուրաքանչյուր դեպք առանձին քննարկել և մեղավորներին ներկայացնել տույժի,
- 3) ՀՀ ԿԳ նախարարի 2011 թվականի հոկտեմբերի 31-ի N 1197-Ն հրամանի պահանջներին համապատասխան, շրջանավարտների ամփոփիչ ատեստավորումը բարձր մակարդակով անցկացնելու նպատակով՝ ամբիոնների հետ քննարկել հանձնաժողովների նախագահների և անդամների թեկնածությունները, որից հետո ներկայացնել ռեկտորատ,
- 4) ամենօրյա հսկողություն իրականացնել ուսումնական գործընթացի կազմակերպման նկատմամբ: Դասախոսների և ուսանողական խմբերի կողմից դասաձախողումների յուրաքանչյուր դեպք դարձնել համապատասխան պատժամիջոցներ ենթադրող քննարկման առարկա,
- 5) արգելել դասերի ընթացքում դասախոսների և ուսանողների կողմից բջջային հեռախոսների օգտագործումը, կարգազանցության յուրաքանչյուր դեպք դարձնել հատուկ քննարկման առարկա,
- 6) ամբիոնների հետ համատեղ պարբերաբար քննարկել ուսանողների բացակայությունների հարցը, մշակել միջոցառումներ դրանք նվազեցնելու ուղղությամբ:

3. Հանձնարարել ամբիոնների վարիչներին՝

- 1) մինչև մայիս թարմացնել և զարգացնել բոլոր թեստային բազաները: Յուրաքանչյուր ուսումնական տարվա սկզբին առնվազն 20%-ով փոխել թեստային բազաները,
- 2) խիստ պատասխանատվությամբ առաջնորդվել ինչպես դասաբաշխումներն իրականացնելիս, այնպես էլ դասախոսական կադրեր ընտրելիս,

- 3) անհատական բեռնվածությունները բաշխելուց հետո դեկանատներ ներկայացնել ֆակուլտետներում դասավանդվող առարկաների դասախոսների և ասիստենտների ցանկը,
- 4) հսկողություն սահմանել դասախոսությունների, սեմինար և գործնական պարապմունքների անցկացման որակի, արտալսարանային աշխատանքների, դասախոսների կատարողական կարգապահության նկատմամբ: Հաճախակի կազմակերպել դասալսումներ և դրանց քննարկումներ,
- 5) բողոքարկումների գործընթացը կազմակերպել միայն հանձնաժողովներով (հանձնաժողովում ընդգրկել նաև դասավանդող դասախոսին): Գնահատականի յուրաքանչյուր փոփոխություն դարձնել քննարկման առարկա,
- 6) հետևել թեստային քննությունների առաջադրանքների կազմմանը, գնահատման գործընթացի յուրաքանչյուր խախտում դարձնել քննարկման առարկա, մշակել որոշակի միջոցառումներ նման երևույթները բացառելու ուղղությամբ,
- 7) հետևողական աշխատանք կատարել ուսանողների հետ, նպաստել վարձավճարների գանձման գործընթացին,
- 8) լուրջ ուշադրություն դարձնել ուսանողների փորձառությունների անցկացման վայրերի ընտրության, հաշվետվությունների ժամանակին ներկայացման և պաշտպանության գործընթացին,
- 9) բացառել զբաղվածության պատճառով հաճախակի դասաձախողումներ թույլ տված մասնագետների ներգրավումը դասավանդման գործընթացում:

4. Սույն որոշումը քննարկել ֆակուլտետների խորհուրդների և ամբիոնների նիստերում, մշակել միջոցառումներ ուսումնական գործընթացը բարելավելու ուղղությամբ:

5. Սույն որոշման կատարման նկատմամբ վերահսկողությունը վերապահել ուսումնակազմակերպական աշխատանքների գծով պրոռեկտոր Մ.Ն.Հարությունյանին:

Գիտական խորհրդի նախագահ

Կ. Լ. Աթոյան

26.03.2014 թ.

ք. Երևան

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի**

Ո Ր Ո Շ ՈՒ Մ N 2
26 մարտի 2014 թվականի

**«Ուսանողական գիտական ընկերության (ՈՒԳԸ) խորհրդի
հաշվետվությունը կատարված աշխատանքների մասին» հարցի մասին**

Լսելով և քննարկելով «Ուսանողական գիտական ընկերության (ՈՒԳԸ) խորհրդի հաշվետվությունը կատարված աշխատանքների մասին» հարցը (զեկուցող՝ ուսանողական գիտական ընկերության խորհրդի նախագահ, կառավարչական հաշվառման և աուդիտի ամբիոնի ասպիրանտ Վ.Գ.Գևորգյան)՝ գիտական խորհուրդն արձանագրում է՝ անցած մեկ տարվա ընթացքում ուսանողական գիտական ընկերությունն իր գործառույթները կատարել է բավարար:

Հաշվետու ժամանակահատվածում կազմակերպվել են ՈՒԳԸ 35-րդ նստաշրջանի երկու փուլերը: Առաջին՝ ֆակուլտետային փուլին, որն անցկացվել է մայիսին, մասնակցել են 78 ուսանողներ: 2013 թվականի մայիսի 31-ին և հունիսի 1-2-ին անցկացված երկրորդ՝ համալսարանական փուլին, մասնակցել են 100 ուսանողներ և մագիստրանտներ. զեկույցով հանդես են եկել 42-ը:

Համալսարանի ուսանողները մասնակցել են նաև այլ բուհերի կողմից կազմակերպված գիտաժողովներին, կլոր սեղաններին, բանավեճերին և մրցույթներին:

Գիտական խորհուրդը, բավարար գնահատելով ՈՒԳԸ գործունեությունը, միաժամանակ արձանագրում է, որ ՈՒԳԸ նպատակների լիարժեք իրագործման համար կատարվող աշխատանքները դեռևս բարելավման կարիք ունեն:

Ելնելով վերոնշյալից՝ գիտական խորհուրդը **որոշում է.**

1. ՈՒԳԸ աշխատանքները գնահատել բավարար:

2. Հանձնարարել ամբիոնների վարիչներին՝

- 1) ամբիոնների նիստերում հաստատել ՈՒԳԸ տարեկան աշխատանքների թեմաների ուղղությունները,
- 2) նշանակել ամբիոնային ՈՒԳԸ պատասխանատուներ և գիտական ղեկավարներ ամբիոնի փորձառու դասախոսներից,
- 3) ասպիրանտուրայի ընդունելության և անվանական կրթաթոշակների տրամադրման գործընթացներում կարևորել մասնակցությունը ՈՒԳԸ նստաշրջաններին՝ որպես պարտադիր գործոն:



3. Հանձնարարել դեկաններին՝

- 1) քննարկել և մշտապես վերահսկել ՈԻԳԸ աշխատանքները՝ ֆակուլտետներում և ամբիոններում:

4. Հանձնարարել ՈԻԳԸ խորհրդին՝

- 1) ներկայացնել ՈԻԳԸ տարեկան նստաշրջանի լավագույն զեկույցները հրատարակման,
- 2) մշակել և ներկայացնել ուսանողներին ՈԻԳԸ աշխատանքներով զբաղվելու խթանման ծրագրեր,
- 3) ներկայացնել ՈԻԳԸ կանոնադրության փոփոխությունների նախագիծ,
- 4) հաստատել գիտական կապեր ՀՊՏՀ-ի հետ համագործակցող բուհերի ՈԻԳԸ-ների հետ:

5. Որոշման կատարման նկատմամբ վերահսկողությունը վերապահել գիտության բաժնի պետ Խ.Մխիթարյանին:



26.03.2014 թ.
ք. Երևան

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ N 3
26 մարտի 2014 թվականի**

**«Որակի ապահովման աշխատանքների դրվածքը
ՀՊՏՀ Գյումրու և Եղեգնաձորի մասնաճյուղերում» հարցի մասին**

Նպատակ ունենալով բարձրացնել ՀՊՏՀ որակի ապահովման գործընթացների, ինստիտուցիոնալ և ծրագրային ինքնավերլուծության աշխատանքների կազմակերպման և իրականացման արդյունավետությունը և հաշվի առնելով որակի ապահովման գործընթացների անընդհատ բնույթը, գիտական խորհուրդը

ՈՐՈՇՈՒՄ Է.

- 1. ՀՊՏՀ Գյումրու և Եղեգնաձորի մասնաճյուղերում ստեղծել որակի ապահովման մշտական հանձնաժողովներ:**
- 2. Հանձնարարել ՀՊՏՀ Գյումրու և Եղեգնաձորի մասնաճյուղերի տնօրեններին՝**
 - 1) մշակել և հաստատման ներկայացնել հանձնաժողովների կազմը, գործառույթները և հաշվետվողականության սկզբունքները:
- 3. Հանձնարարել ՀՊՏՀ որակի ապահովման բաժնին՝**
 - 1) իրականացնել մասնաճյուղերի հանձնաժողովների վերապատրաստումը և ներգրավել որակի ապահովման բոլոր գործառույթներում.
 - 2) մշակել և ներկայացնել ՀՊՏՀ որակի խորհրդի, աշխատանքային խմբերի անդամների և մասնաճյուղերի հանձնաժողովների անդամների խրախուսման կառուցակարգի նախագիծ:
- 4. Սույն որոշման կատարման նկատմամբ վերահսկողությունը վերապահել ուսումնամեթոդական աշխատանքների գծով պրոռեկտոր Պ.Ա.Քալանթարյանին:**
- 5. Սույն որոշումն ուժի մեջ է մտնում ընդունման պահից:**

Գիտական խորհրդի նախագահ

26.03.2014 թ.

ք. Երևան

Կ. Լ. Աթոյան



Ք Ա Ղ Վ Ա Ծ Ք

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2014 թվականի մարտի 26-ի նիստի N 5 արձանագրությունից**

ԼՍԵՑԻՆ.-

«Պարենային ապրանքների ապրանքագիտություն և ապրանքների որակի փորձաքննություն» և «Ոչ պարենային ապրանքների ապրանքագիտություն և ապրանքների որակի փորձաքննություն» մասնագիտացումների բակալավրիատի ամփոփիչ ատեստավորման քննությունների առարկայական ցանկը հաստատելու մասին հարցը:

Զեկուցող՝ ուսումնամեթոդական աշխատանքների գծով պրոռեկտոր, տնտեսագիտության թեկնածու, դոցենտ
Պ.Ա.Քալանթարյան:

ԱՐՏԱՀԱՅՏՎԵՑԻՆ.- Պրոֆեսոր Ս.Ի.Սահրադյանը, դոցենտ Թ.Մ.Մկրտչյանը:

ՈՐՈՇԵՑԻՆ.-

Հաստատել «Պարենային ապրանքների ապրանքագիտություն և ապրանքների որակի փորձաքննություն» և «Ոչ պարենային ապրանքների ապրանքագիտություն և ապրանքների որակի փորձաքննություն» մասնագիտացումների բակալավրիատի ամփոփիչ ատեստավորման քննությունների առարկայական ցանկը՝ համաձայն աղյուսակի.

Մասնագիտացումներ	Ամփոփիչ ատեստավորման քննությունների առարկայական ցանկը	
	Պարտադիր	Ավարտական աշխատանք չգրող ուսանողների համար
Պարենային ապրանքների ապրանքագիտություն և ապրանքների որակի փորձաքննություն	Պարենային ապրանքների ապրանքագիտություն	Պարենային ապրանքների փորձաքննություն
Ոչ պարենային ապրանքների ապրանքագիտություն և ապրանքների որակի փորձաքննություն	Ոչ պարենային ապրանքների ապրանքագիտություն	Ոչ պարենային ապրանքների փորձաքննություն

Գիտական խորհրդի նախագահ

Կ. Լ. Աթոյան

Գիտական խորհրդի քարտուղար

Ն. Հ. Դարբինյան

26.03.2014 թ.

ք. Երևան



Ք Ա Ղ Վ Ա Ծ Ք

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2014 թվականի մարտի 26-ի նիստի N 5 արձանագրությունից**

ԼՍԵՑԻՆ.-

«Հայաստանի պետական տնտեսագիտական համալսարանում ուսանողական նպաստի, պետական և անվանական կրթաթոշակների հատկացման կանոնակարգը» հաստատելու և գիտական խորհրդի 2013 թվականի հունիսի 12-ի նիստում (արձանագրություն N 9) հաստատված «Հայաստանի պետական տնտեսագիտական համալսարանում ուսանողական նպաստի, պետական և անվանական կրթաթոշակների հատկացման կանոնակարգը» ուժը կորցրած ճանաչելու մասին հարցը:

Զեկուցող՝ ուսումնական կազմակերպական աշխատանքների գծով պրոռեկտոր, տնտեսագիտության թեկնածու, պրոֆեսոր **Մ.Ն.Հարությունյան:**

ԱՐՏԱՀԱՅՏՎԵՑԻՆ.- Պրոֆեսորներ Կ.Լ.Աթոյանը, Լ.Հ.Բադանյանը:

ՈՐՈՇԵՑԻՆ.-

1. Հաստատել «Հայաստանի պետական տնտեսագիտական համալսարանում ուսանողական նպաստի, պետական և անվանական կրթաթոշակների հատկացման կանոնակարգը»:

2. Ուժը կորցրած ճանաչել Հայաստանի պետական տնտեսագիտական համալսարանի գիտական խորհրդի 2013 թվականի հունիսի 12-ի նիստում (արձանագրություն N 9) հաստատված «Հայաստանի պետական տնտեսագիտական համալսարանում ուսանողական նպաստի, պետական և անվանական կրթաթոշակների հատկացման կանոնակարգը» (որոշումն ընդունվեց բաց քվեարկությամբ՝ միաձայն):

Գիտական խորհրդի նախագահ

Կ. Լ. Աթոյան

Գիտական խորհրդի քարտուղար

Ն. Հ. Դարբինյան

26.03.2014 թ.

ք. Երևան

Ք Ա Ղ Վ Ա Ծ Ք

«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհրդի՝
2014 թվականի մարտի 26-ի նիստի N 5 արձանագրությունից

ԼՍԵՑԻՆ.- «Գիտաուսումնական խմբերի հետազոտական նախագծերի մրցույթի վերաբերյալ կանոնակարգը» քննարկելու և հաստատելու մասին հարցը:

Զեկուցող՝ գիտության և արտաքին կապերի գծով պրոռեկտոր, տնտեսագիտության դոկտոր, պրոֆեսոր

Գ.Ի.Վարդանյան

ԱՐՏԱՀԱՅՏՎԵՑԻՆ.- Պրոֆեսոր Ս.Ա.Մելքումյանը, դոցենտ Մ.Ն.Թավադյանը, ուսանողական խորհրդի նախագահ Ս.Ս.Խաչատրյանը:

ՈՐՈՇԵՑԻՆ.- Հաստատել «Գիտաուսումնական խմբերի հետազոտական նախագծերի մրցույթի վերաբերյալ կանոնակարգը» (որոշումն ընդունվեց բաց քվեարկությամբ՝ միաձայն):

Գիտական խորհրդի նախագահ
Գիտական խորհրդի քարտուղար
26.03.2014 թ.
ք. Երևան

Կ. Լ. Աթոյան
Ն. Հ. Դարբինյան